

Pangserbisyo nga mga Misyon: Usa ka Giya alang sa mga Lider sa Pangserbisyo nga Misyon

Kini nga dokumento maghatag og mubo nga kinatibuk-ang pagpasabot sa programa ug sa inyong mga responsibilidad isip lider sa pangserbisyo nga misyon.

Pangserbisyo nga mga Misyonaryo

Ang ubang takos nga young adult nga lalaki ug babaye kinsa gusto nga moserbisyo og misyon dili makaserbisyo og proselyting nga misyon. Ang programa sa pangserbisyo nga misyonaryo nagtugot kanila sa paggamit sa ilang mga talento ug mga abilidad sa pagserbisyo sa Ginoo sa uban pang makahuloganong mga paagi.

Ang pangserbisyo nga mga misyonaryo dili makaserbisyo og proselyting nga mga misyon tungod sa mga rason sa pisikal o emosyonal nga kahimsog o sa uban pang mga konsiderasyon.

Sila mahimo usab nga kadto kinsa nauli og sayo

gikan sa proselyting nga mga misyon tungod sa susama nga mga rason. Ang sumbanan sa katakos pareha ra alang sa tanan nga mga misyonaryo.

Ang pangserbisyo nga mga misyon wala kinahanglana alang niadtong dili makahimo sa proselyting nga mga misyon. Kinahanglang walay bisan kinsa nga mobati nga napugos sa pagserbisyo. Ang pangserbisyo nga mga misyon nga kapilian alang niadtong gusto nga moserbisyo sa Ginoo niini nga paagi.



Imong Tahas

Isip lider sa pangserbisyo nga misyon, ikaw magserbisyo isip ang mahinungdanon nga dugtong tali sa mga presidente sa stake, mga kandidato alang sa pangserbisyo nga misyon, pangserbisyo nga mga misyonaryo, komunidad ug manggihatagon nga mga kaabag, ug mga operasyon sa Simbahan aron sa pagpangita og umaabot nga mga buluhaton ug aron sa pagpahaom sa pangserbisyo nga mga misyonaryo sa labing maayo nga mga buluhaton alang sa ilang talagsaong mga kahimtang. Ikaw motabang sa pangserbisyo nga mga misyonaryo nga makab-ot ang mga gilaoman sa mga organisasyon nga ilang giserbisyonan.

Ikaw motabang usab sa mga presidente sa stake pinaagi sa kanunay nga pagrebyo sa pag-uswag ug sa kahimtang sa pangserbisyo nga mga misyonaryo. Ang presidente sa stake eklesiyastikanhong responsable sa pangserbisyo nga mga misyonaryo sa iyang stake.

Ang mga tigdumala sa operasyon maoy responsable sa Simbahan o sa komunidad nga pangserbisyo nga mga organisasyon. Kini mahimong usa ka balay tipiganan sa bishop o usa ka kan-anan nga libre ang pagkaon, pipila sa daghan. Ang tigdumala sa operasyon motabang sa matag pangserbisyo nga misyonaryo nga makaangkon og usa ka bililhon nga kasinatian samtang nagserbisyo sa dapit nga gitahas. Sila motabang sa pagpalig-on sa personal nga pasalig sa pangserbisyo nga misyonaryo ngadto sa mga sumbanan nga anaa sa *Service Missionary Handbook [Tamdanan nga Basahon sa Pangserbisyo nga Misyonaryo]*.

Imong mga Responsibilidad

Ikaw adunay upat ka nag-unang mga responsibilidad:

- Pakigkonektar matag semana sa tanang pangserbisyo nga mga misyonaryo pinaagi sa personal [face-to-face] nga inter-aksyon ug/o elektronik nga mga paagi. Pagpahigayon og kanunay nga interbyo kabahin sa pag-usawag sa matag misyonaryo. Mosabot kon unsay ilang gibati mahitungod sa ilang buluhaton, kon sila nagbuhat ba, ug kon sila ganahan ba niini.
- Morebyo uban sa tigdumala sa operasyon kon unsay kalamboan sa pangserbisyo nga mga misyonaryo. Mohatag og feedback. Mosulbad sa bisan unsa nga mga isyu uban sa presidente sa stake ug sa tigdumala sa operasyon.
- Mag-ugmad og mga relasyon ug mga oportunidad sa pagserbisyo uban sa mga operasyon sa Simbahan ug manggihatagon nga mga organisasyon sa komunidad.
- Maghatag og usa ka makatagbaw ug makapausab nga kasinatian sa misyon. Kini maglakip sa mga miting o mga panagpundok sa mga misyonaryo, pagserbisyo sa templo, mga proyekto sa pagserbisyo, ug ubang makapahiusa nga mga kalihokan.

Unsaon sa Pagsuporta

1. Mo-report ngadto sa inyong Area Seventy. Siya ang mitawag kanimo, ug ikaw responsable ngadto kaniya.
2. Makigtambayayong pag-ayo ug kanunay sa inyong tigsuporta nga mga tigtambag sa punoang buhatan sa Simbahan.
3. Motino sa komunidad ug manggihatagon nga mga organisasyon nga duol ngadto sa misyonaryo. Makigtambayayong sa organisasyon ug sa Buhatan sa Pangserbisyo nga Misyon [Service Mission Office] aron sa pagkuha sa gikinahanglan nga pagtugot gikan sa Simbahan.
4. Mobansay sa mga presidente sa stake ug ubang mga lider sa pagkapari sa programa sa pangserbisyo nga misyonaryo. Motabang kanila sa pagpangita ug pagdasig sa mga young adult kinsa, tungod sa ilang pisikal, emosyonal, o mental nga mga hagit, tingali wala maghunahuna mahitungod sa misyonaryo nga pagserbisyo.
5. Modasig sa mga presidente sa stake ug mga bishop sa:
 - a. Pagdapit sa pangserbisyo nga mga misyonaryo sa pagpamulong dlha sa panagtigom sa sakramento sa sinugdanan ug sa kataposan sa ilang misyon.
 - b. Paghangyo sa pangserbisyo nga mga misyonaryo sa paghatag og report ngadto sa stake high council sa kataposan sa ilang misyonaryo nga pagserbisyo.
 - c. Pag-ila sa pangserbisyo nga mga misyonaryo sa tanang paagi nga ang usa ka proselyting nga misyonaryo giila. Kini kinahanglang maglakip sa pagprinta sa ilang mga ngalan tupad sa proselyting nga mga misyonaryo diha sa mga bulletin ug sa mga plake sa mga pasilyo sa meetinghouse.
6. Makigtinabangay sa matag misyonaryo ingon man usab sa iyang pamilya, bishop, ug presidente sa stake sa pagrekomendar sa mga buluhaton sa pagserbisyo. Ipahaom ang mga buluhaton sa pagserbisyo ngadto sa tibuok nga kapasidad sa pangserbisyo nga misyonaryo.

7. Mosiguro nga ang gi-assign nga mga magtatambag alang sa kalamboan nakahimamat sa pangserbisyo nga mga misyonaryo ug nga sila makatubag sa panginahanglan alang sa trabaho nga may kalabotan sa paglambo.
8. Mo-awhag sa pangserbisyo nga mga misyonaryo sa pagtambong sa mga klase sa institute kon anaa, magpahigayon og kanunay nga pagtuon sa kasulatan, ug moestablisar og usa ka tibuok kinabuhi nga sumbanan sa espirituhanong kalamboan.
9. Makigtambayayong pag-ayo sa mga presidente sa stake sa pagdumala sa mga kausaban sa dihang ang sayo nga nauli nga mga misyonaryo na-reassign ngadto sa pangserbisyo nga misyon.
10. Makigtambag kanunay sa presidente sa stake mahitungod sa kalamboan sa matag pangserbisyo nga misyonaryo.
11. Magpadala og mga report sa pagkatinugyanan matag bulan ngadto sa Buhatan sa Pangserbisyo nga Misyon [Service Mission Office] ug sa inyong Area Seventy.
12. Moatiman sa administratiba nga mga butang uban sa Buhatan sa Pangserbisyo nga Misyon (sama pananglit, mga kausaban sa assignment, mga pagbalhin, mga ekstensyon, sayo nga mga pag-release ug mga pagbakwi sa sayo nga pagpapauli).
13. Makigtinabangay sa kauban nga mga lider sa pangserbisyo nga misyon [peer service mission leaders] diha sa kanunay nga mga webinar, mga pagbalhin sa mga misyonaryo, ug mga pagbinayloay og impormasyon.
14. Ipakigbahin ang responsibilidad sa pagpangulo sa pangserbisyo nga misyon ngadto sa imong kapikas.

Mga Pangutana?

- Kontak ang inyong magtiayong tigsuporta nga tigtambag [support adviser couple]. Kini sila anaa 24/7.
- Bisitaha ang Service Missionary Portal (human ka mahatagan og access). Daghang mga pangutana ang matubag didto.
- Bisitaha ang ChurchofJesusChrist.org/service-missionary.

ANG SIMBAHAN NI
JESUKRISTO
SA MGA SANTOS
SA ULAHING MGA ADLAW